



Broj: 11-11-2-2475-2/26
Datum: 21.07.2026. godine

Na osnovu člana 41. stav (1) Zakona o unutrašnjim poslovima Federacije Bosne i Hercegovine („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

O D L U K U

o izboru najpovoljnijeg ponuđača u predmetu javne nabavke „Nabavka laboratorijske opreme“, Oprema za hemijsku laboratoriju - LOT 2

I.

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Nabavka laboratorijske opreme“, Oprema za hemijsku laboratoriju - LOT 2, te se ugovor dodjeljuje ponuđaču MIKRO + POLO d.o.o. Sarajevo, čija cijena ponude iznosi 9.000,00 KM bez PDV-a.

II.

Odabrani ponuđač je dužan, u roku od pet (5) dana, dostaviti dokaze koji su traženi tenderskom dokumentacijom (član 45. ZJN).

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka laboratorijske opreme“, Oprema za hemijsku laboratoriju - LOT 2, broj Obavještenja o javnoj nabavci: 1412-7-1-151-3-143/26 od 09.06.2026 godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke za LOT 2 iznosi 9.023,48 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača o čemu su sačinjeni odgovarajući zapisnici, u kojima je utvrđeno da su blagovremeno zaprimljene dvije (2) ponude, i to od ponuđača MIKRO + POLO d.o.o. Sarajevo i EURO LAB d.o.o. Bijeljina, te da nije bilo neblagovremeno zaprimljenih ponuda.

Uvidom u zaprimljene ponude, od strane Komisije je utvrđeno da je ponuda ponuđača MIKRO + POLO d.o.o. Sarajevo, u iznosu od 9.000,00 KM bez PDV-a odnosno 10.530,00 KM sa PDV-om, formalno-pravno prihvatljiva, dok ponuda ponuđača EURO LAB d.o.o. Bijeljina u iznosu od 9.023,48 KM bez PDV-a odnosno 10.557,47 KM sa PDV-om nije prihvatljiva za ugovorni organ, zbog toga što se iz ponuđenih tehničkih karakteristika nije moglo utvrditi da stavke 3. i 4. iz Obrasca za cijenu ponude-robe za LOT 2 odgovaraju minimalnim tehničkim karakteristikama navedenim u tenderskoj dokumentaciji.

Shodno tome, a kako je zaprimljena samo jedna prihvatljiva ponuda u okviru procijenjene vrijednosti, od strane Komisije je data preporuka ugovornom organu da se za postupak javne nabavke „Nabavka laboratorijske opreme“, Oprema za hemijsku laboratoriju - LOT 2 ugovor dodijeli ponuđaču MIKRO + POLO d.o.o. Sarajevo, čija cijena ponude iznosi 9.000,00 KM bez PDV-a.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove odluke.

DIREKTOR
GLAVNI GENERALNI INSPEKTOR POLICIJE

Igor Marić

DOSTAVITI:

- Sektor za finansije i javne nabavke;
- ponuđačima;
- a/a.-

